

Gojri News Bulletin

28 December 2025

1700 Hrs

ایویننگ گو جری نیوز بلیٹن مورخہ 28 دسمبر 2025

یوہ آکا شوانی جموں ہے طارق ابرار تے باغ علی طاہر تیں خبر سُنو۔ پہلاں
خاص خاص خبر۔

*1۔ وزیر اعظم نریندر مو دی نے اِس سال مُلکی حصولِ آبِیاں نانہہ سنگِ
میل قرار دیتاں واں کہیو ہے جے قومی سلامتی ، کھیڈاں تے سائنسی
جدید کا ری غا شعباں مانہہ بھارتی غو سر فخر سنگ اُچو ہوئو ہے ۔

*2۔ آکاشوانی ور "من کی بات" پروگرام مانہہ بولتاں واں وزیر اعظم نے "
اوپریشن سِندور" ور وی لوہ پائی۔

*3۔ ذرعی پیدہ وار محکمہ غا وزیر جاوید احمد ڈار نے اُدھم پور مانہہ اِک
بڑا کسان میلہ غو افتتاح کیو ہے ۔

*4۔ جموں کشمیر پولیس غی طرفوں اِتحد غی خاطر دوڑ غو انعقاد کیو
گیو، جس مانہہ بڑی تعداد مانہہ نوجواناں تے خواتین نے شرکت کی۔

*5۔ اِس مہینہ غی آئندہ 30 تا ریخ تیں موسم مانہہ تبدیلی غا آثار ہیں،
جِت کئی علاقاں مانہہ ہلکی بوند باندی تے برفبا ری غی پیشنگوئی کی
گئی ہے ۔

خبراں غی تفصیل نال پہلاں باغ علی طاہر۔

PM MKB

وزیر اعظم نریندر مو دی غو کہنو ہے جے بھارت نے اِس سال دُنیا غا ہر بڑا پلیٹ فارم ور اپنو اِک مضبوط اثر چھوڑیوے، جن مانہ قومى سلامتى تیں لے غے کھیڈ مقابلہ تے سائنس لیبارٹریں شامل ہیں۔ آج آکاشوانى ور من کی بات پروگرام مانہ قوم سنگ اپنا خطاب غے دوران وزیر اعظم نے اس سال غى حصولِ بیاں غو ذکر کرتاں واں کہیو جے اِس سال نے بھارتیاں نانہ کئی وری فخر کرن غو موقعو دتو ہے۔ اُن غو کہنو تھو جے اوپریشن سِندور ہر ہندوستانی شہری واسطے فخر غى اک علامت بن گیو ہے۔ اس بارے گل کرتاں واں وزیر اعظم نے کہیو۔ بائٹ۔ وزیر اعظم نے وندے ماترم لکھیا جان غا 150 بھرا پورا ہون ور لوکاں غى طرفوں جوش تے جذبہ ظاہر کرن ور سراہنا کی ہے۔ وزیر اعظم نے کہیو۔ بائٹ۔ وزیر اعظم نے کہیو جے سال 2025 کھیڈاں غا شعبہ مانہ وى یا دگا ر ریبو ہے، تے اس سال مرداں غا صُمرہ مانہ بھارتى کرکٹ ٹیم نے آئی سی سی چمپئن ٹرافی غو خطاب وى حاصل کیو ہے۔ اِس سلسلہ مانہ گل کرتاں واں وزیر اعظم نے کہیو۔ بائٹ۔ جناب مو دی نے اِس سال سائنس تے خلائی شعبہ مانہ حاصل کی جان آلى کامیابیاں ور وى لوہ پائی۔ اُنہاں نے دسیو جے اِس سال گروپ کیپٹن شُبھانشو شکلا بین القوامى خلائی سٹیشن ور پُچن آلو پہلو شخص بن گیو ہے۔ اس بارے گل کرتاں واں وزیر اعظم غو کہنو تھو۔ اِس سال غا شروع مانہ پریاگ راج مانہ منعقد کیا گیا مہا گُنہ میلہ غو ذکر کرتاں واں وزیر اعظم غو کہنو تھو جے اِس میلہ نے دُنیا نانہ حیرت مانہ پا دتو۔ اُنہاں نے مزید کہیو جے اِس سال غا آخر مانہ آیو دھیا مانہ رام مندر ور منعقد کی گئی دھوج آروہن غى تقریب ہر بھارتى واسطے فخر غو مقام ہے۔ وزیر اعظم نے اِس توں علا وہ سوا دیشى بارے جوش و جذبہ ظاہر کرن ور تسلّی ظاہر کرتاں واں کہیو۔ بائٹ۔ جناب مودی نے سمارٹ انڈیا بیکتھون بارے گل کرتاں واں کہیو جے اِک ایسو ذریعو ہے، جس غى مدد نال خیالات نانہ کا رکردگی مانہ بدلیو جا سکے۔ واضع رہ جے "سمارٹ انڈیا بیکتھون" اِس مہینہ مانہ ہی اختتام پزیر ہوئی ہے۔ اِس بیکتھون غے دوران 80 سرکاری محکماں غا 270 مسائل ور طالب علماں نے کم کیو ہے۔ وزیر اعظم نے من کی بات پروگرام غا اِس شمارہ مانہ پی ایم سوریا گھر مفت

بجلی یوجنا تیں فائدو چان غی ضرورت ور زور پاتاں واں دسیو ہے جے شمسى پینل نصب کیا جان غی خاطر سرکار غی طرفوں ہر گنہہ نانہہ 75 تیں 80 ہزار روپیاں غی مدد مہیا کرائی جا رہی ہے ۔ آپنا خطاب غا اختتام ور وزیر اعظم نے ہر شہری نانہہ تندرست رہن تے فٹ انڈیا تحریک مانہہ شرکت کرن واسطے کہیو۔ اُن غو کہنو تھو جے سیال غو موسم جسمانی مشق واسطے مناسب موسم ہے ۔

مزید خبراں نال طارق ابرار ور پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان ور وی دستیاب ہیں، اس تیں یہ خبر مہاری موبائل ایپ تے ڈی ٹی ایچ ور (وی دستیاب ہیں)

Kisan Mela Udh

ذرعی پیداوار محکمہ غا وزیر جاوید احمد ڈار نے اج سبھاش سٹیڈیم اُدھم پور مانہہ سرکاری اسکیمیاں تے خدمات نانہہ سیدھا طور ور کسان برادری توڑی پُجان واسطے اک بڑا کسان میلہ غو افتتاح کیو۔ کساناں نانہہ ذراعت تے اس سنگ جڑیاں شعباں مانہہ مالی امداد غی اسکیمیاں تے ان تیں فائدو چان غا طریقہ کار بارے اک ٹکر ناٹک وی پیش کیو گیو۔ اس تقریب غو اہتمام جے اینڈ کے کسان ایڈوائزری بورڈ تے ڈائریکٹوریٹ آف ایگریکلچر جموں نے سانجھا طور ور کیو تھو۔ اس موقعہ بولتاں واں وزیر موصوف نے اس طرح کہیو۔۔ بانٹ۔۔

Building New India

سال 2025 ترقیاتی ٹانچہ غی تعمیر مانہہ اک سنگ میل غا طور ور اُبھر غے باندے آہیو ہے، جس نانہہ ریل، سڑک، تے فوجی اہمیت غا رابطاں آلا ترقیاتی ٹانچہ غی تعمیر غا طور ور بڑی حصولیابیاں سنگ یا دکیو جائے گو۔ اُدھم پور ۔سرینگر۔بارہمولہ ریل رابطہ پروجیکٹ مانہہ شامل دُنیا غا سب تیں اُچّا چناب پل غو افتتاح اس سال تعمیر کیا گیا ترقیاتی ٹانچہ غی اک بڑی حصولیابی ہے، جس نال کشمیر وادی سنگ ہر موسم مانہہ ہن رابطو

ممکن ہو سکیو ہے ۔ اس توں علا وہ وزیر اعظم نے جموں کشمیر مانہہ زیڈ موڑھ ٹٹل غو وی افتتاح کیو ہے ، جس نال پورا سال سونا مرگ سنگ سڑک رابطو بحال رہ سکے گو ، تے اس نال سیاحت نانہہ بابدو ملن غے نال نال بنگامی خدمات مانہہ شدھار کیو جا سکے گو۔ اس توں علا وہ اس ٹٹل غے ذریعے لداخ خطہ نانہہ مہیا کی جان آلی فوجی نوعیت غی رسائی مانہہ مضبوطی آسکے گی۔ زیڈ ٹٹل غا افتتاح غا موقع ور بولتاں واں وزیر اعظم غو کہنو تھو۔۔۔ با ٹ۔۔

Jammu Marathon

جموں کشمیر پولیس نے اج گلشن گرائونڈ جموں مانہہ "رن فار یونیٹی" جموں میراتھن غو اہتمام کیو۔ جس مانہہ 8 تیں 70 سال غی عمر غا 8 ہزار تیں متا افراد ے اس اچا سطح غی سرگرمی مانہہ حصو لیو۔ اے ڈی جی پی آند جین نے جھڈی دس غے میراتھن نانہہ روانہ کیو۔ جس غو مقصد اتحاد، منشیات تیں پاک طرز زندگی تے نوجواناں غی مصروفیت نانہہ بابدو دینو تھو۔ اس موقع ور خطاب کرتاں واں اے ڈی جی پی آند جین نے جسمانی تندرستی، سماجی ، بھائی چارو، صحت مند تے ما دیت تیں پاک زندگی ور زور دتو۔

Weather

محکمہ موسمیات نے کل توڑی جموں کشمیر مانہہ موسم جڑوی طور ور ابر آلود رہن غی پیشنگوئی کی ہے۔ 30 دسمبر تیں حالات مانہہ تبدیلی غو امکان ہے۔ کچھ مقامات ور ہلکی بارش تے برفباری ہون غی وی پیشنگوئی کی گئی ہے۔ 31 دسمبر تے یکم جنوری نانہہ کئی مقامات ور ہلکی بارش تے برفباری غو امکان ہے۔ خاص طور ور شمالی تے وسطی کشمیر غا اونچائی آلا علاقاں مانہہ صوبہ جموں غا میدانی علاقاں مانہہ وی کہنا تیں درمیانہ درجہ غی دھند غی اطلاع ہے۔ اس بارے محکمہ موسمیات غا ایک اہلکار نے مزید جانکاری دیتاں واں اس طرح کہیو۔۔۔ باٹ۔۔

اس غے نال ہی خبراں غو یوہ بلیٹن ختم ہوؤ۔